



APRIL 15, 2013

NHARIREYOMURINDI

YOKUZIVISA UMAMBO HWAJEHOVHA

June 17-23

‘Ivai Nechokwadi Chezvinhu Zvinonyanya Kukosha’

PEJI 3 NZIYO: 70, 98

June 24-30

‘Tisaneta’

PEJI 18 NZIYO: 129, 63

Mabhii Makuru

CHIKAMU 2

NYAYA DZOKUDZIDZA

■ **‘Ivai Nechokwadi Chezvinhu Zvinonyanya Kukosha’**

■ **‘Tisaneta’**

Takaropafadzwa kuva musangano raMwari rino-shamisa riri kudenga nepanyika. Asi tinganyatso-tsigira sei zvariri kuita mazuva ano? Chii chichatibatsira kuti tirambe tichifambirana nesangano raJehovha uye kuti tisaneta? Nyaya idzi dzichatsanangura izvozvo.

‘Ivai Nechokwadi Chezvinhu Zvinonyanya Kukosha’

“Muve nechokwadi chokuti zvinhu zvinokosha kupfuura zvimwe ndezvipi.”—VAF. 1:10.

PFUNGWA DZOKUFUNGISISA

Zvakaratidzwa Isaya, Ezekieri naDhanieri zvinoita kuti tive nechivimbo chei?

Tinowana chidzidzo chipi patinofunga nezvekunyatsoisa pfungwa pabasa kwechikamu chesangano raJehovha chepanyika?

Nyaya ino yaita kuti utsidze mumwoyo kuitei?

PETRO, Jakobho, Johani naAndreya vainge va-va voga naTenzi wavo. Mashoko ainge ambotaurwa naJesu nezvekuparadzwa kwetemberi ainge achivadya mwoyo. (Mako 13:1-4) Saka vakabvunza kuti: “Tiudzei, Zvinhu izvi zvichaitika rini, uye chii chichava chiratidzo chokuvapo kwenyu nechokuguma kwemamiriro ezvinhu epanguva

1, 2. Uprofita hupi hwemazuva okupedzisira hunofanira kunge hwakabata pfungwa dzevadzidzi vaJesu, uye nei?

yacho?” (Mat. 24:1-3) Jesu akatanga kuvaudza zvinhu zvaizochinja chaizvo upenyu hwevanhu uyewo zvaizoratidza kuti ainge ava mazuva okupedzisira enyika yakaipa yaSatani. Pane chinhu chimwe chete chinofanira kuva chakanyanya kubata pfungwa dzevadzidzi vaJesu. Ataura zvinhu zvisingafadzi zvakadai sehondo, kushomeka kwezvokudya, uye kuwedzera kwokusateerera mutemo, Jesu akavaudzawo chimwe chinhu chakanaka chaizoratidza kuti ainge ava mazuva okupedzisira. Akati: “Aya mashoko akanaka oUmambo achaparidzwa munyika yose inogarwa kuti ave uchapupu kumarudzi ose; uye zvararo kuguma kuchasvika.”—Mat. 24:7-14.

2 Vadzidzi vaJesu vainge vamboparidza mashoko akanaka oUmambo vaina Kristu. (Ruka 8:1; 9:1, 2) Vanogona kunge vakayeuka kuti akati: “Chokwadi, kukohwa kukuru, asi vashandi vashoma. Naizvozvo kumbirai Tenzi wokukohwa kuti atumi-

re vashandi mukukohwa kwake.” (Ruka 10:2) Asi vaizoparidza sei “munyika yose inogarwa” uye vopa “uchapupu kumarudzi ose”? Vashandi vacho vaizobva kupi? Kudai musi iwoyo wavakanga vakagara naJesu vaikwanisa kuziva zvaizoitika munguva yemberi, chokwadi vaizoshamiswa chaizvo nokuzadziwa kwemashoko iwayo mashoma atinoverenga pana Mateu 24:14!

3 Tiri kurarama munguva iri kuzadziwa uprofiti hwaJesu. Vanhu vane mamiriyoni vakabatana kuti vaparidze mashoko akanaka oUmambo munyika yose. (Isa. 60:22) Zvisinei, Jesu akaratidza kuti mumazuva ano okupedzisira, vamwe vaizomerwa nokuramba vakaisa pfungwa pabasa iri. Vaizotsauswa uye ‘vaizoremerwa.’ (*Verenga Ruka 21:34.*) Tiri kuonawo mashoko iwayo achizadziwa. Vamwe vanhu vaMwari vari kutsauswa. Izvi zvinogona kuonekwa nemabasa avanosarudza, dzidzo

3. Ruka 21:34 iri kuzadziwa sei mazuva ano, uye tinofanira kuviongorora sei?

yepamusorosoro, pakuunganidza pfuma, uyewo nguva yavanopedzera pamitambo nekuzvivaraidza. Vamwe vari kuneta nemhaka yematambudziko uye kuzvidya mwoyo neupenyu. Zvibvunze kuti: ‘Ini ndiri kuita sei? Zvandinotarudza zvinoratidza kuti ndinonyanya kukoshesei?’

4 VaKristu vepakutanga vaifanira kushanda nesimba kuti kunamata kurambe kuri pokutanga muupenyu. Muapostora Pauro akaona kuti aifanira kunyengetera kuti vaya vaiva muFiripi vave “nechokwadi chokuti zvinhu zvinokosha kupfuura zvimwe ndezvipi.” (*Verenga VaFiripi 1:9-11.*) Kufanana nemuapostora Pauro, vakawanda kare ikako ‘vaitonyanya kuratidza ushingi kuti vataure shoko raMwari vasingatyi.’ (VaF. 1:12-14) Vakawanda vedu mazuva ano vanoparidzawo Shoko raMwari nousingi. Kunyange zvakadaro, kufunga zviri

4. (a) Pauro akanyengetera kuti vaKristu vomuFiripi vaitei, uye nei akadaro? (b) Munyaya ino neinotevera tichakurukurei, uye nechinangwa chei?

kuitwa nesangano raJehovha kungatibatsira here kuwedzera kuisa pfungwa pabasa rinokosha chaisvo rokuparidza? Chokwadi kunogona kutibatsira! Munyaya ino, ngatifungisisei urongwa hwakaitwa naJehovha kuti Mateu 24:14 izadziswe. Sangano rake rinonyanya kukoshesa chii, uye kuziva izvo-zvo kungatikurudzira sei isu nemhuri dzedu? Munyaya inotevera tichakurukura zvingatibatsira kutsungirira uye kuramba tichifambirana nesangano raJehovha.

CHIKAMU CHESANGANO RAJEHOVHA CHOKUDENGA CHIRI KUFAMBA

5 Jehovha ane zvakawanda zvaasina kuita kuti zvinyorwe muShoko rake Bhaibheri. Somuenzani-so, haana kutipa udzamu hwokushanda kunoita uropi kana kushanda kunoita zvinhu zvose zvakasikwa, kunyange zvazvo taizonakidzwa chaizvo

5, 6. (a) Nei Jehovha akaratidza vashumiri vake zvakaita chikamu chesangano rake chokudenga? (b) Ezekieri akaonei pane zvaakaraidzwa?

nokuziva mashoko iwayo! Asi, Jehovha akatipa mashoko atinoda kuti tinzwisise zvinangwa zvake uye kuti tirarame maererano nazvo. (2 Tim. 3:16, 17) Zvinofadza chaizvo kuti Bhaibheri rinotipa nzwisa yemamiriro akaita chikamu chesangano raJehovha chokudenga! Tinofara chaizvo patinoverenga tsanangudzo dzeurongwa hwaJehovha hwezvinhu kudenga dzakanyorwa naIsaya, Ezekieri, uye Dhani-eri uye zvakataurwa naJohani muna Zvakazarurwa. (Isa. 6:1-4; Ezek. 1:4-14, 22-24; Dhan. 7:9-14; Zvak. 4:1-11) Zvinoita sokuti Jehovha akaita kuti tikwanise kudongorera kudenga kuti tione zvakwakaita. Nei akatiudza mashoko aya?

⁶ Jehovha aida kuti tisambokanganwa kuti tiri chikamu chesangano rake riri kudenga nepanyika. Pane zvakawanda zviru kuitwa zvatisingaoni pakutsigira zvinangwa zvaJehovha. Somuenzaniso, Ezekieri akaratidzwa chikamu chesangano raJehovha chokudenga chinomirirwa nengoro huru yokudenga. Ngoro iyi yaimhanya chaizvo uye yaigona ku-

chinja kwayainge yakananga ipapo ipapo. (Ezek. 1: 15-21) Ngoro yacho yaifamba daro rakareba chaizvo nokungotenderera kamwe chete kwemavhiri ayo. Ezekieri akaratidzwawo zvishoma nezveainge akagara pangoro iyoyo. Akati: “Ndakaona chimwe chinhu chakanga chakaita sokupenya kwechinhu chakagadzirwa nendarama nesirivha, chakaita somoto mukati macho mose . . . Kwakanga kwakaita sokubwinya kwaJehovha.” (Ezek. 1:25-28) Chokwadi Ezekieri anofanira kunge akashamiswa chaizvo nezvaakaratidzwa! Akaona kuti Jehovha ndiye ari kutungamirira sangano rake rose, achishandisa mudzimu wake mutsvene. Zvechokwadi mafambiro engoro iyoyo anoratidza mashandiro anoshamisira echikamu chesangano raJehovha chokudenga!

⁷ Dhanieri ane zvaakaonawo zvinoita kuti tive nechivimbo. Akaratidzwa Jehovha, “Akakwegura Pamazuva,” akagara pachigaro choumambo chine mirazvo yemoto. Chigaro choumambo chacho

7. Zvakaratidzwa Dhanieri zvinoita sei kuti tive nechivimbo?

chaiva nemavhiri. (Dhan. 7:9) Jehovha aida kuti Dhanieri aone kuti sangano rake riri kufamba, richizadzisa chinangwa chake. Dhanieri akaonawo “mumwe munhu akafanana nomwanakomana womunhu,” Jesu, achipiwa masimba okutarisira chikamu chepanyika chesangano raJehovha. Utongi hwakazonaka hwaKristu hahusi hwemakore mashomanana chete. Asi, “ushe hwake ushe hunogara nokusingagumi, husingazopfuuri, uye umambo hwake ndohuya husingazoparadzwi.” (Dhan. 7:13, 14) Izvozvo zvinoita kuti tivimbe naJehovha uye tizive zvaari kuita. Akapa “ushe nokukudzwa noumambo” kuMwanakomana wake, Jesu, waakaona kuti anonyatsokwanisa. Jehovha anovimba neMwanakomana wake. Saka tinogonawo kuvimba neutungamiriri hwaJesu.

8 Zvakaratidzwa vashumiri vaMwari nezvechikamu chesangano raJehovha chokudenga zvinofani-

8. Zvakaratidzwa Ezekieri uye Isaya naJehovha zvakaita kuti vanzwe sei, uye zvinofanira kuita kuti tinzwewo sei?

ra kuita kuti tinzwe sei? Chokwadi tinoshamiswa uye tinonzwa taninipiswa nezviri kuitwa naJehovha sezvakaita Ezekieri. (Ezek. 1:28) Kufungisisa nezvesangano raJehovha kunoita kuti tive nechido chokuita basa sezvakaita Isaya. Pakamuka mukana wokuti audze vamwe zvaitwa naJehovha, haana kumbozeza kuushandisa. (*Verenga Isaya 6:5, 8.*) Isaya aivimba kuti Jehovha aizomubatsira kuti akunde zvipingamupinyi zvose. Saka, iyi nzwisa yechikamu chatisingaoni chesangano raJehovha inoitawo kuti tishamiswe uye tikurudzirwe kuita zvaka-wanda. Chokwadi tinokurudzirwa chaizvo patinofunga nezvechikamu chesangano ichocho chiri kuramba chichifamba uye chakabatikana nokuzadzisa zvinangwa zvaJehovha!

CHIKAMU CHESANGANO RAJEHOVHA CHEPANYIKA

9 Achishandisa Mwanakomana wake, Jehovha akaita kuti panyika pave nechikamu chesangano

9, 10. Nei chikamu chesangano raJehovha chepanyika chichidiwa?

chinoshanda chakabatana nechokudenga. Nei chikamu ichocho chepanyika chichidiwa pakuzadzisa basa rinotsanangurwa pana Mateu 24:14? Funga zvikonzero zvitatu.

10 Kutanga, Jesu akataura kuti basa iri rokuparidza raizoitwa nevadzidzi vake “kusvikira kuruti vi ruri kure kwazvo rwenyika.” (Mab. 1:8) Chechipiri, paizodiwa urongwa hwokuti vaya vaizoita basa iri vapiwe zvokudya zvokunamata uye vatsigirwe. (Joh. 21:15-17) Chechitatu, paizofanira kuitwa urongwa hwokuti vaparidzi vemashoko akanaka vaungane vachinamata Jehovha uye vadzidziswe kuita basa racho. (VaH. 10:24, 25) Zvose izvi zvaisazongoitika zvoga. Kuti vateveri vaKristu vabudirire, basa racho raizofanira kunyatsorongwa.

11 Tinoratidza sei kuti tinotsigira urongwa hunoitwa nesangano raJehovha? Imwe nzira inokosha ndeyokugara tichivimba nevaya vakagadzwa naJe-

11. Tinoratidza sei kuti tinotsigira urongwa hunoitwa nesangano raJehovha?

hovha naJesu kuti vatungamirire basa redu roku-
paridza. Vaya vari kutitungamirira vaigona kunge
vachiitawo zvimwe zvinhu zvakawanda zviru munyika,
asi havasi kudaro. Ngationei kuti chikamu che-
sangano raJehovha chepanyika chave chakaisa pfungwa
pachii.

KUISA PFUNGWA ‘PAZVINHU ZVINONYANYA KUKOSHA’

12 Vakuru vechiKristu vagara nebasa vari munyika
yose vakagadzwa kuti varonge uye vaite kuti
basa rokuparidza Umambo rikurumidze kuitwa
munyika dzavanogara. Hama idzi padzinosarudza
zvokuita, dzinotsvaga mazano muShoko raMwari
dzichiriita ‘rambi retsoka dzavo panzira yavo’ uye
dzinonyengetera nemwoyo wose kuti dzitungamirirwe
naJehovha.—Pis. 119:105; Mat. 7:7, 8.

13 Vakuru vechiKristu vanotungamirira basa ro-
kuparidza mazuva ano vakazvipira “paushumiri
12, 13. Vakuru vechiKristu vanoita sei mabasa avo, uye nei izvo-
zvo zvichikukurudzira?

hweshoko” sezvaiitwa nevaitungamirira ungoro ye-pakutanga. (Mab. 6:4) Vanofara chaizvo neku-fambira mberi kuri kuita basa rokuparidza ma-shoko akanaka munyika dzavo uye munyika yose. (Mab. 21:19, 20) Havadzike mitemo yakawanda-wanda. Asi vanoita zvinotaura Magwaro uye vano-bvuma kutungamirirwa nemudzimu mutsvene wa-Mwari pavanenge vachironga zvinoita kuti basa ro-kuparidza rienderere mberi. (*Verenga Mabasa 15: 28.*) Hama idzi padzinoita izvozvo dzinoratidza muenzaniso wakanaka kune vose vari muungano dzekwavanogara.—VaEf. 4:11, 12.

14 Pane zvakawanda zvatisingaoni zvinoitwa ne-hama dzedu pakunyora mabhuku, zvinoshandiswa pamisangano nemagungano. Kune vashanduri va-ne zviuru vanoshanda nesimba chaizvo kushandu-ra zvinhu izvi mumitauro inenge 600 kuitira kuti

14, 15. (a) Urongwa hupi huripo hwokutsigira basa rokuparidza munyika yose? (b) Unonzwa sei nezvauri kuita pakutsigira basa ro-kuparidza Umambo?

vakawanda vadzidze “zvinhu zvikuru zvaMwari” mumitauro yavo. (Mab. 2:7-11) Hama nehanzvadi dzechiduku dzinoshanda pakudhinda uye kubhinda mabhuku edu nemichina yepamusorosoro. Mabhuku aya anobva aendeswa kuungano, dzimwe dzacho dziri kure chaizvo.

15 Pane zvakawanda zvakarongwa kuitira kuti tise pfungwa pakuparidza mashoko akanaka muungano dzedu. Somuenzaniso, vakawanda vano-zvipira kubatsira pakuvaka Dzimba dzoUmambo nedzemagungano, kubatsira vanenge vawirwa nenjodzi kana kuti nourwere hunoda kukurumidzirwa, kuronga magungano uye kudzidzisa zvikoro zvesangano. Aya anongova mabasa mashoma atisingaoni paanoitwa. Chinangwa chemabasa ose aya ndechei? Ndechokuita kuti mashoko akanaka aparidzwe, kusimbisa pakunamata vaya vanoita basa iri, uye kufambisira mberi kunamata kwechokwadi. Chokwadi chikamu chesangano raJehovha

chepanyika chave chakaisa pfungwa pazvinhu zvi-
nonyanya kukosha!

TEVEDZERA MUENZANISO WESANGANO RAJEHOVHA

16 Tinombowana nguva yokufungisisa zvave zvi-
chiitwa nesangano raJehovha here? Vamwe vakasa-
rudza kutsvakurudza uye kufungisisa nyaya idzi
pamanheru okunamata kwemhuri kana kuti pa-
vanodzidza vari voga. Tinogona kunakidzwa no-
kudzidza zvakaonekwa naIsaya, Ezekieri, Dhanie-
ri, uye Johani. Bhuku rinonzi *Zvapupu zvaJeho-
vha—Vazivisi voUmambo hwaMwari* uye mamwe
mabhuku kana kuti maDVD anowanika mumuta-
uro wenyu anotaura zvinonakidza chaizvo nezvesa-
ngano.

17 Kufungisisa zviri kuitwa naJehovha achisha-

16. Chii chamunogona kudzidza nezvacho muri moga kana kuti ne-
mhuri dzenyu?

17, 18. (a) Nyaya ino yakubatsira sei? (b) Tinofanira kufunga mi-
bvunzo ipi?

ndisa sangano rake kwakatinakira. Pamwe chete nesangano iri rakazonaka, dai tikatsunga kuramba takaisa pfungwa dzedu pazvinhu zvinonyanya kukosha. Kuita izvozvo kuchatisimbisa kuti titsidze mumwoyo medu sezvakaita Pauro, akanyora kuti: “Zvatiine ushumiri uhwu maererano nengoni dzatataratidzwa, hatineti.” (2 VaK. 4:1) Akakurudzirawo vaaishanda navo kuti: “Tisarega kuita zvakanaka, nokuti mumwaka wakakodzera tichakohwa kana tisinganeti.”—VaG. 6:9.

18 Somunhu oga kana semhuri, pane zvatino fanira kugadzirisa here kuti tive nechokwadi chezvinhu zvinonyanya kukosha pane zvatinoita zuva nezuva? Tinogona here kuita kuti upenyu hwedu husava netwakawanda-wanda kana kuti tisatsauswe kuitira kuti tinyatsoita basa rokuparidza rinokosha kupfuura mamwe ose? Munyaya inotevera tichakurukura zvinhu zvishanu zvichatibatsira kuramba tichifambirana nesangano raJehovha.

‘Tisaneta’

“Tisarega kuita zvakanaka.”—VAG. 6:9.

UNGAPINDURA SEI?

Urongwa hupi hunotibatsira kuti tirambe tichishingairira chokwadi?

Kuisa pfungwa pakunamata Jehovha kunoita kuti tiite sei panyaya yokupinda misangano?

Zvatinosarudza zvinoratidza sei kana tichizotsungirira kana kuti tichizoneta pabasa redu?

TINOSHAMISWA chaizvo patinofunga kuti tiri chikamu chesangano rakakura riri kudenga nepanyika. Zvakaratidzwa Ezekieri zviri muchitsauko 1 uye zvakaratidzwa Dhanieri zviri muchitsauko 7 zvinonyatsoratidza zviri kuitwa naJehovha kuti azadzise chinangwa chake. Jesu ari kutungamirira chikamu chesangano raJehovha chepanyika kuti chiise pfungwa pakuparidza masho-
1, 2. Kufungisisa nezvesangano raJehovha kunoita kuti tiwedzere sei kuva nechivimbo?

ko akanaka, kutsigira pakunamata vaya vari kuita basa iri uye kusimudzira kunamata Jehovha. Chokwadi izvi zvinoita kuti tivimbe nesangano raJehovha!—Mat. 24:45.

2 Tiri kufambirana nesangano iri rinoshamisa here? Kuda kwatinoita chokwadi kuri kuwedzera here kana kuti kuri kudzikira? Patinofunga nezvemibvunzo iyoyo, tinogona kuona kuti tava kuneta kana kuti hatichashingairi sezvataiita. Izvozvo zvinogona kuitika. Munguva yevaKristu vepakutanga, muapostora Pauro aifanira kukurudzira vaKristu vaainamata navo kuti vatevedzere kushingaira kwaiita Jesu. Pauro akati izvi zvaizovabatsira kuti ‘vasaneta vopera simba pamweya yavo.’ (VaH. 12:3) Saizvozvowo, kunyatsoongorora kwatakaita nyaya yakapfuura, inotaura zvirikuitwa nesangano raJehovha, kunofanira kuva kwakatibatsira chaizvo kuramba tichishingaira uye tichitsungirira.

3 Zvisinei, Pauro akaratidza kuti pane zvaka-wanda zvinodiwa kuti tisaneta. Akati tinofanira “kuita zvakanaka.” (VaG. 6:9) Saka tine zvatino-tofanira kuita. Ngatikurukurei zvinhu zvishanu zvinogona kutibatsira kuti tirambe takasimba uye kuti tifambirane nesangano raJehovha. Tikadaro, tinogona kuona kana paine zvatinofofanira kuga-dzirisa somunhu oga kana kuti semhuri.

NGATIUNGANEI KUTI TIKURUDZIRANE UYE TINAMATE

4 Kuungana kwagara kuri chinhu chinokosha kuvashumiri vaJehovha. Kudenga, panguva dza-kakodzera, ngirozi dzinonzi dziuye pamberi pa-Jehovha. (1 Madz. 22:19; Job. 1:6; 2:1; Dhan. 7: 10) MuIsraeri yekare, vanhu vose vaifanira kuu-ngana “kuti vateerere uye kuti vadzidze.” (Dhe-

3. Chii chatinofanira kuita kuti tisaneta, uye munyaya ino tichakurukurei?

4. Nei tingati kuungana chinhu chinokosha pakunamata kwechokwadi?

ut. 31:10-12) VaJudha vaiva netsika yokuenda kumasinagogi kunoverenga Magwaro. (Ruka 4:16; Mab. 15:21) Ungano yechiKristu payakaumbwa, kuungana kwainge kuchiri kukosha, uye kuchiri kukosha chaizvo pakunamata kwedu. VaKristu vechokwadi ‘vanorangarirana kuti vakurudzirane kuva norudo nemabasa akanaka kwazvo.’ Tinoda kuramba ‘tichikurudzirana, kunyanya zvatinoona zuva raJehovha richiswederera pedyo.’—VaH. 10: 24, 25.

5 Imwe nzira inokosha yatinokurudzirana nayo ndeyokupindurawo pamisangano. Tinogona kutaura zvatinotenda paruzhinji nokupindura mubvunzo wakadhindwa, nokutaura kushanda kunoita rugwaro, nokurondedzera muchidimbu zvakaitika zvinoratidza zvakanakira kushandisa mazano eBhaibheri, kana kuti nedzimwewo nzira. (Pis. 22:22; 40:9) Chokwadi unobvuma kuti pasinei

5. Tingakurudzirana sei pamisangano yedu?

nokuti tava nemakore akawanda sei tichipinda misangano, tinoramba tichikurudzirwa nokunzwa mhinduro dzinobva pamwoyo dzehama nehanzvadzi dzedu, vakuru nevaduku.

6 Ndezvipi zvimwe zvikonzero nei Mwari wedu achikoshesa chaizvo nyaya yokuti tigare tichiu-ngana? Misangano yedu nemagungano zvinotibatsira kuti titaure nousingi uye titsungirire patinosangana mundima nevanhu vanoshora kana kuti vasingafariri. (Mab. 4:23, 31) Kutenda kwedu kunosimbiswa nehurukuro dzinobva muMagwaro. (Mab. 15:32; VaR. 1:11, 12) Kudzidziswa uye kukurudzirana kwatinoita patinoungana kuti tinamate kunotibatsira kuti tiwane mufaro wechokwadi uye “runyararo mumazuva edambudzi-ko.” (Pis. 94:12, 13) Dare Rokudzidzisa reDare Rinodzora ndiro rinoona nezvekurongwa kwema-

6. Misangano yedu inotibatsira sei kuti tirambe takamuka pakunamata?

purogiramu ose ezvokunamata kuti vanhu vaJehovha vari munyika yose vadzidziswe. Tinoonga chaizvo urongwa hwatinoitirwa kuti tinyatsodzidziswa pamisangano yedu vhiki roga roga pagore!

7 Zvisinei, pane chimwe chinhu chinokosha kupfuura kubatsirwa kwatinoitwa nemisangano yedu. Chinangwa chikuru chokuungana kwedu ndechokunamata Jehovha. (*Verenga Pisarema 95:6.*) Tine ropafadzo yakazonaka yokurumbidza Mwari wedu anoshamisa! (VaK. 3:16) Jehovha akakodzerwa nokuti tigare tichimunamata nokupinda uye nokupindurawo pamisangano yedu. (Zvak. 4:11) Ndosaka tichikurudzirwa kuti ‘tisarega kuungana kwedu, setsika ine vamwe’! —VaH. 10:25.

8 Tinoona misangano yedu yechiKristu seurongwa hunotibatsira kutsungirira kusvikira Jehovha aparadza nyika ino yakaipa here? Kana

7, 8. (a) Chinangwa chikuru chemisangano yedu yeungano ndechi? (b) Misangano inokubatsira sei pakunamata?

tichidaro, misangano ichava chimwe chezvinhu “zvinokosha kupfuura zvimwe” chatinofanira kuwanira nguva muupenyu hwedu hune zvakawanda. (VaF. 1:10) Kuti tizosvika pakukundikana kuva pamwe chete nehama dzedu kuti tinamate Jehovha, panofanira kuva nechikonzero chakakura chaizvo.

TSVAGA VANHU VANODA CHOKWADI

9 Kushingaira pabasa rokuparidza kunotibatsirawo kuti tirambe tichifambirana nesangano raJehovha. Jesu ndiye akatanga basa iri paaiva panyika. (Mat. 28:19, 20) Kubvira ipapo, basa rokuparidza Umambo nerokuita kuti vanhu vave vadzidzi ndiro rave richinyanya kukosheswa nesangano rose raJehovha. Pane zvakawanda zviri kuitika mazuva ano zvinoratidza kuti ngirozi dziri kutsigira basa redu uye dziri kutitungamirira kuvanhu vane “mafungiro akanaka okuti vave

9. Tinoziva sei kuti basa rokuparidza rinokosha?

noupenyu husingaperi.” (Mab. 13:48; Zvak. 14: 6, 7) Chikamu chesangano raJehovha chepanyika chiripo mazuva ano uye chakarongwa kuti chitsigire basa iri rinokosha chaizvo. Ushumiri ndihwo hunonyanya kukoshawo here muupenyu hwedu?

10 Kushingaira muushumiri kunotibatsira kuti tirambe tichida chaizvo chokwadi. Funga zvaka- taurwa naMitchel ava nenguva ari mukuru uye piyona wenguva dzose. Anoti: “Ndinoda chaizvo kuudza vanhu chokwadi. Ndinofunga nezve- nyaya itsva inenge iri mu*Nhareyomurindi* ka- na *Mukai!* uye ndinoshamiswa kuti magazini imwe neimwe inonyatsonyorwa zvakanakanaka, zvinoratidza uchenjeri, uye kunzwisisa. Ndino- nzwa ndiine chido chokuenda muushumiri kuti ndione kuti vanhu vanoita sei nemashoko acho, uye zvandingaita kuti vafarire. Ushumiri hwangu

10. (a) Taura muenzaniso unoratidza kuti tingaramba sei tichida chaizvo chokwadi. (b) Ushumiri hwave huchikubatsira sei kuti usa- neta?

hunoita kuti ndirambe ndakasimba. Ndinoedza kuita zvimwe zvose ndisati ndaenda kuushumiri kana kuti ndapedza.” Saizvozvowo, kugara takabatikana mubasa redu dzvene kunogona kutibatsira kuramba takasimba mumazuva ano okupe-dzisira.—*Verenga 1 VaKorinde 15:58.*

DZIDZA MABHUKU ANOTISIMBISA PAKUNAMATA

11 Jehovha akatipa mabhuku akawanda ane zvokudya zvinotisimbisa pakunamata. Hapana mubvunzo kuti unoyeuka pawakamboverenga rimwe bhuku, ukati: ‘Izvi ndizvo chaizvo zvandanenge ndichida! Zvinoita sokuti Jehovha akaita kuti zvinyorerwe ini!’ Izvozvo hazvina kungoitika zvoga. Jehovha anotirayiridza uye anotitungamirira achishandisa urongwa uhwu. Akati: “Ndichaita kuti uve nenjere uye ndichakurayiridza nzira yaunofanira kufamba nayo.” (Pis. 32:8) Tinoedza

11. Nei tichifanira kunyatsoshandisa zvokudya zvinosimbisa pakunamata zvatinopiwa naJehovha?

here kudzidza mabhuku ose atinopiwa anosimbisa pakunamata uye kufungisisa zvatinoverenga? Kuita izvozvo kuchatibatsira kuramba tichibereka zvibereko tosasvava pakunamata mumazuva ano okupedzisira akaoma.—*Verenga Pisarema 1:1-3; 35:28; 119:97.*

12 Zvakanaka kuti tifunge basa rinoitwa pakuita kuti tigare tichiwana zvokudya izvi zvinosimbisa pakunamata. Dare Rokunyora reDare Rindzora ndiro rinoona nezvekutsvakurudzwa, kunyorwa, kuverengwa kuti anatsiridzwe, kushandiswa kwemifananidzo, uye kushandurwa kwemabhuku edu pamwe nezvinoiswa panzvimbo yedu yokubudisira mashoko paIndaneti. Mapazi anoitaba basa rokudhinda anoendesa mabhuku kuungano dziri pedyo uye dziri kure. Basa rose iri rinoitirwei? Kutu vanhu vaJehovha vapiwe zvokudya zvakakwana pakunamata. (Isa. 65:13) Tose

12. Chii chingatibatsira kuti tisarerutsa zvokudya zvinotisimbisa pakunamata?

zvedu ngatibishairei kudzidza mabhuku ose iwayo atinopiwa nesangano raJehovha.—Pis. 119:27.

TSIGIRA URONGWA HWESANGANO

13 Pane zvakaraidzwa muapostora Johani, Jesu anoonekwa akatasva bhiza jena kuti akunde vaya vanopandukira Jehovha. (Zvak. 19:11-15) Chokwadi, kutenda kwedu kunosimbiswa chaizvo nokuziva kuti ngirozi dzakatendeka uye vakazodzwa vakatomutsirwa kudenga, vari kutevera Jesu! (Zvak. 2:26, 27) Iwoyo muenzaniso wakazonaka wokutsigira urongwa hwaJehovha!

14 Boka guru rinonyatsotsigirawo basa rehama dzakazodzwa dzaKristu dzichiri panyika uye dziiri kutungamirira musangano mazuva ano. (*Vere-nga Zekariya 8:23.*) Mumwe nomumwe wedu angatsigira sei urongwa hwaJehovha? Imwe nziira ndeyokuzviisa pasi pevaya vari kutungamirira. (VaH. 13:7, 17) Izvi zvinotangira muungano

13, 14. Ndivanaani vari kutsigira urongwa hwaJehovha kumate-nga, uye tingahutsigirawo sei pasi pano?

medu chaimo. Zvatinotaura nezvevakuru zvinoita kuti vamwe vavaremekedze uye varemekedze basa ravo here? Tinokurudzira vana vedu kuremekedza varume ava vakatendeka uye kutsvaka rubatsiro runobva muMagwaro kwavari here? Uyewo, tinokurukura here semhuri nezvekutsigira kwatingaita basa romunyika yose nemari yedu? (Zvir. 3:9; 1 VaK. 16:2; 2 VaK. 8:12) Tinokoshesa here ropafadzo yokuchengeta Imba yoUmambo yakana? Mudzimu waJehovha unoshanda wakasununguka pane kuremekedzana uye kubatana kwakadaro. Pachishandiswa mudzimu mutsvene iwoyo, tinogara tichibatsirwa kuti tisaneta mumazuva ano okupedzisira.—Isa. 40:29-31.

RARAMA MAERERANO NEZVATINOPARIDZA

15 Chokupedzisira, kuti titsungirire uye tirambe tichifambirana nesangano raJehovha,

15. Nei tichifanira kugara tichirwa kuti tirame zvinoenderana nechinangwa chaJehovha?

tinofanira kuramba tichirarama zvinoenderana nezvatinoparidza tichiva “nechokwadi chezvinhu zvinogamuchirika kunaShe.” (VaEf. 5:10, 11) Tinogara tiri muhondo yokurwisana nemiviri yedu ine chivi, miedzo yaSatani uye nyika ino yakaipa. Vamwe venyu, imi hama nehanzvadzi, mave muchirwa zuva rega rega kuti murambe muine ukama hwakanaka naJehovha. Izvozvo zvinoita kuti akudei chaizvo. Musakanda mapfumo pasi! Kurarama maererano nechinangwa chaJehovha kucha-ita kuti tigutsikane chaizvo uye kuti tive nechokwadi chokuti hatisi kunamatira pasina.—1 VaK. 9:24-27.

16 Zvisinei, tinofanira kuitei kana tikaita chivi chakakura? Tinofanira kukurumidza kutsvaka rubatsiro. Kuvanza chivi chacho kunongoita kuti zvinhu zviwedzere kuipa. Yeuka kuti Dhavhidhi

16, 17. (a) Tinofanira kuitei kana tikaita chivi chakakura? (b) Zvakaitika kuna Anne zvinogona kutibatsira sei?

akati paasina kureurura zvivi zvake, ‘mapfupa ake akasakara nokugomera kwaaiita zuva rose.’ (Pis. 32:3) Chokwadi, kuvanza zvivi kunoita kuti tisafara uye tinete pakunamata, “asi anoreurura nokuzvisiya achanzwirwa ngoni.”—Zvir. 28:13.

17 Funga zvakaitika kuna Anne.* Anne akava piyona wenguva dzose asati asvitsa makore 20. Asi akatangawo kurarama upenyu husingaenderani nechiKristu. Izvi zvakamukanganisa chizvo. Anoti: ‘Hana yangu yainditongesa. Ndaisafara uye ndaigara ndakaora mwoyo.’ Akaitei? Anotaura kuti rimwe zuva kumisangano kwakakururwa Jakobho 5:14, 15. Anne akaona kuti aida rubatsiro uye akakumbira vakuru kuti vamubatsire. Paanofunga zvakaitika anoti: “Magwaro iwayo mapiritsi atinopiwa naJehovha kuti tipore pakunamata. Mapiritsi iwayo haasi nyore kuamedza, asi anorapa. Ndakateerera zano riri mumagwaro

* Zita rakachinjwa.

iwayo, uye rakashanda.” Iye zvino kwapera makore, uye Anne asimbazve pakunamata, ava kushumira Jehovha nehana yakachena.

18 Chokwadi iropafadzo kurarama mumazuva ano okupedzisira uye kuva musangano raJehovha rinoshamisa! Ngatitsidzei mumwoyo kuti tisambofa takarerutsa zvatiinazvo. Ngatishandei semhuri kuti tigare tichipinda misangano neungano yedu kuti tinamate, kuti tibishaire kutsvaga vanhu vanoda chokwadi mundima yedu uye kuti tikoshese zvokudya zvinosimbisa pakunamata zvatinogara tichiwana. Ngatitsigirewo vaya vari kutungamirira, torarama zvinoenderana nema-shoko atinoparidza. Kana tikadaro, tichafambirana nesangano raJehovha uyewo hatizoneti pakuita zvakanaka!

18. Tinofanira kutsidza mumwoyo kuitei?